

P.M TUUM ZĪIGĒ

BURKĪNA FASO

Laogengo-Taoor kēnde-Sid buudo

GOOFNEER NO-RĒESA

MINISR-DĀMBĀ TIGSG KOEERE

(PP-G/TRANS N°024-2024)

A Rīmtalba Zā Emanwell WEDRAOOGO

Waogdgo, yuumd 2024, sēoog kiuug rasem 17

Minisr-dāmbā maana b wakat fāa tigsgā Waogdg yvumd 2024, sēoog kiuug
rasem 17, arb daare, yibeoog wakat a 9 n tall n tãag zaabr wakat a 1 sēn loog mn

03,

Sōnegselāns Kapitend Ibrahim TARWOORE sēn ya tēngā taor soab n le ya

Minisr-dāmbā tigsg taor soab n lvi tvmđā taoore.

B zīndame n bal n wegs daarā koe-zutu, n kelg koes b sēn wa n taas-ba, n lvi

neb tvm taoore, la b kō sor ti b sigl tvm tēn-taase.

I. KOE-ZUT WEGSGO, LA NOY RIGSGO

I.1. TUNTUMBA, LA TĒN-TŌRĀ NIN-BUIID VUM-N-TAAR KOGLG MINISTĒER ZĪIGĒ

Ministr-dāmbā tīgsg sulg n gesa **sēn yul toagsg sebr** sēn kēed tūm-no-kaseng sēn dag n get-a nebā zem-n-taar sēn kēed sugr kosg mo-yōsr wēengē ti b boond ti Mediyateerdifaso tuntumbā yelle, la b me togs sēn sakde.

Ministr-dāmbā tīgsg sēn zīnd yūumd 2023, sigr kiuug rasem 29 rag n kōo ministr sēn so-a Mediyateerdifaso gomdā t'a ges a tūmtumbā yel manegre. Bala laloo limor 045-2023/ALT sēn duk yūumd 2023 yūum-sar-kiuug rasem 30 sēn kēed ne tūm-no-kāngā lebg-n-gesgā, b yāk yam n yēes-a tūm-no-kasemsā svka. Goofneer tūmtumb la neb sēn gāneg kōntr n da tumd be sōor t'a 109. Rēnd zu-loegā yaa gāneg-b kōntr n da tumdē wā, ti b rat n ges b yelle.

B sēn sulg n ges sebā poore, b mikame ti Goofneer tūmtumb fāa gilli, sēn tumd-b yō-koglg tūmd sēn yāk b toog n sa, b paam tūm zīis a taab n kē. Sēn paasde, b sēn da rik neb nins ti b tūm saab tar wakat, me tūm saee zāng tūl-nif kiuug rasem 30 daare, sēn zvug ned a ye bal rēnd sēn tog n sa zāng yūumd 2025 yūum-sar kiuug rasem 31saabo.

Sull sēn zīndg yelā gesg yīng wilgame ti neb 35 n ya tūmtumb sēn gāneg kōntr n tumdē. B svkā, neb 34 tūm n da ka yāk tek n yalsdē, t'a yembr ka be tek ye.

Ministr-dāmbā tīgsg yeela ministr ning sēn so-a yellā pugb t'a mao ti nin-kaensā paam n tōog n kē Goofneer tūm puga. La neb nins me sēn ka tūl-b rē bī tū soay wa noyā sēn yalse, n yaas b sedbā.

B sēn sulg n ges yul toagsg seb sēn kēed Mediyateerdifaso tūmtumbā yell na yī sabab ti zu-loees fāa yidg masā.

I.2. LAOG KĒGSGO, NE A TALL-N-TUM LA YIDGR SOAY BAOOB MINISTĒER ZĪIGĒ

Ministr-dāmbā tigs gānega **laloa saagds a yiibu.**

Pipi soabā kōo Burkīna Faso ne lidg roog sēn boond ti Beowad (BOAD) ti b tall nug-tik ne taab Lome tēngā yuumd 2024 tūl-nif kiuug rasem 26 daare, ti Burkīna Faso, paam n deeg samde. Sam-kāng yaa birg maaneg yīnga, la tūmdā yaa yāgb yelle, ti boond koεεg ti Peyipe (PUPE). Yaa tūmdā ligd pedg la Beowad sēn pengā.

Zems-n-taar nug-tikā yu sabab ti Beowad kō seefa ligd **14 000 000 000** samde, Peyipe (PUPE) tūmdā maaneg yīnga.

Ligdā fāa b sēn kams n na n maan tūmdā yikda seefa wā ligd **15 069 003 098**, t'a kōatba, ya Burkīna Leta wā, Beowade la tūm-noor sēn get Birgā maaneg yell Burkīna Faso ti boond ti Seyepebe (SEPB)

Peyipe (PUPE) tūmdā raab ya b modg ti koobā tūm lebg naana ti koodā paoog yug pīnda, la b paam birg sēn ya sōama t'a ligdā me le ya no-noogo.

Ministr-dāmbā tigs saka laloa saadg-kāngā, la b kō sor ti b tall-a n taas depit-rāmb taor ti b sulg n ges t'a a paam pidsgu.

A yiib soabā b sēn sulg n ges doand-dāmbā tūm-noy seb-paale.

Burkīna Faso sēn deeg a soog-m-meng n tāag woto, a gānega doand-dāmd tūm noy sebr vugr bala, sēn tū ne laloa limor 24/62/AN sēn yiis yuumd 1962, sigr kiuug du 22 daare. Sebrā yē zīs kēer yāa tekr sasa ning na n tūnug ti zems zamaana la raasā kēna. La, tūmā na yī lohorom yīnga, tōnd tēngā rika sadr ne tūm-noor sēn sōngd ne koosmā la raasmā sēn kēed leebgā na yī faasg ti b boond ti Ayefye (AFE), a le paam zem-n-taar sēn yī Keyoto ti b boond ti Sekeyeer (CKR), sēn leb n paase, doandā sēn kēesa a meng āndūni wā doand

noyê. Woto fãa yĩng kitame ti lebg tilae ne Burkĩna Faso t'a gãneg masã no-paal doandã tɔum yĩnga.

Laloe saagd-kãngã n yɪ sabab ti doandã tɔum kiblg na n yɪ faag n tall pãng n yug pĩnda ti ligdã me na n kēed sōmbo, la b tōog n waoog masã ãndũni doand-dãmb tōodo.

Toeoong sēn ya bēd-bēd sēn be be la woto :

- n paas doandã tɔum-noy pãng ti zab n fordã, teedã togs-n-naanega (nademse), sēn ya bũmb ti nebã tunugd n zãmbd taaba, la b tōog n gũusg sēn teed yit kēeng n kēed tēngã ;
- n mao ti zamaan-paalgã teed tall-n-tɔm-ne paam tikr zĩig noyã wēengē masã, ti b tōe n tall masĩn-dãmbã (ēternet) n ges zubã teed bi n tall-b n yaood tags-rãmbã yug-yuga ;
- n lugl laog kēgsg tɔum sags la leebgã lohorem tɔuma;
- n ges ti toaala, koosgo, raasem tũud ēternetã tɔumã b sēn boond ti elektorniki ;
- n beool n bao yelã wegr tum buud wēengē la b boog sɪbgrã n zems ti beegr sã n wa beē ti tũ wa ãndũni wã noy sēn gãnege (sekeyeer ne ayefa).

Minisr-dãmbã tigsg saka laloe saadg-kãngã, la b kō sor ti b tall-a n taas depit-rãmb taoor ti b sulg n ges t'a a paam pidsgu.

I.3. 6. BU-KAOORE, NINSAAL YEL-SĒGDI WAOOGRE, TUUM-NOY KIBLGU, LA TŌOG TUUMD TEED GŪUB MINISTĒER ZĪIGĒ

Minisr-dãmbã tigsg gãnega **noor** na n ges kubs wubr yelle, b na n zãa sodaas nins sēn pa-b zabrē wã kubse.

No-kãngã rikrã na n sōngame ti b tōog n sōng kubs pis-yoob la a tãabo (63) sēn ya sodaas sēn lu zãbrē wã kamba, wa noor limor 2023-1162/PRES-

TRANS/PM/MDAC/MATDS/MEFP/MJDHRI/MSAHRNGF sên dık yvumd 2023, bôn-buvng kiuug rasem 19 n luglg kom-bãmbã koglg nao-këndre. B geta kom-bãmbã sên kong b saam-dãmb zabrã pugê wa tẽn-tõrã kubse, ti leta na n ges b yelle.

I.4. LOZIND-DÃMBA, LEEBGO, NUG TUUMA, ÃNTERPIRIIS-BÃOONES LA SÊN ZEMS-B MINISTÆER ZÏIGË

Minisr-dãmbã tigsg sulg n sên yul toagsg sebr sên kēed lozind-dãmba, leebgo, nug tuuma, ãnterpiriis-bãoones la sên zems-b ministæer yvumd 2024 tuum-gãnegdi sên ya toor zall .

Yaa sên kēed rot meeb la teed baoobo, n paas tuum sên na n yi tao-tao, n ka rik weer maanego. Rê la wã :

- n luglg Burkîna Faso nao-kēndr sên na n bao n pug sığaarã tuumã, n bãng sığaarã sên yitê, a sên kēngdê la a sên yala, ;
- teed baoobo;
- rãamã kugb lozind-kudg sên boond ti Brafaso (BRAFASO) rotã leb-n-manegre ;
- tuumã singr teed baoobo;
- lozînd teed waoong so-tũudsi ;
- Brafaso lalg sên sãam manegr la lozind noor yõ-kolg zïig meebo.

Tuum-gãnegdi kaensã sên ya toor zall ligd na n taa **seefa ligd milyaar piig la a ye la milyon koabga (11 100 000 000).**

yaa Goofneer ligd roogã n paas tuum-noor sên teend ãnterpiriis-rãmb sên be zu-loees pugê n sõng ne ligdã ti b na n vuvug Brafaso.

I.5. KUURĀ WĀ, TĒN-GĀONGĀ TĒNGR LA ZUG LAOG MINISTĒER ZĪIGĒ

Ministr-dāmbā tigs gānega **noor** na n siglg ti tēn-kuremsā kūrā kūuni.

Yvumd 2017, b gānega Burkīna Faso laloa limor 014/AN sēn dik yvumd 2017, tvvl-nif kiuug rasem 20 sēn kēed kūrā wā zīgē noy siglgu. Laloa-kāng ra paas kūra wā kūun pāng t'a yidgi. Ba ne rē fāa, d ket neeme ti kūrā kūun galen-tēmsē la tēn-kuremsē wā ka zem taab baa bilf ye. D sã n na n geel koabg pvgē pvure, galen-tēmsā tara 86,21% ti kuremsā ya 5,49% bala. B sēn mag n yā yvumd 2022 pugē la woto.

Kūra wā lagem-n-taar sul sid kēesa b tōog n sōnge; la buko, kūrā wā kūun kirengā kell n ka yērg a zīgē, hal yvum 20 woto, bala zu-loees ra pvuda taab n ka viigdē b tvvmā zāab puga.

Yaa rē n so ti b ges n gāneg rabaar yvumd 2024 pug bugmā kūun tēn-kuremsā yīnga, n da n modg t'a ta 50% ka ne 2028 yvumdā sēn wate. B raabā yas ya b maneg siglg ween nins sēn get kūura wā yell tēn-kuremsē wā n tōog n maneg kūrā wā zāab sōmblem pāng n paase.

Dekre-kāngā tedg-bedā sēn pvgdā zugu:

- tvmtvmbā ned fāa tvvmd wilgr vēeneg lebg-n-sigl-kāngā wēengē ;
- sul-paal nins sēn tvmd-b kūrā wā tvvm ti b ka kō-b sorā tvvm yalogo ;
- sor-kūun tvmd-n-meng tvvm-mitbā, ti b tōog n maan tvvm-bed tēn-kuremsē wā ;
- n deeg sul-paal nins sēn tvmd-b kūrā wā tvvm tēn-kurems ti b pa kō-sorā, bi n pa maand tvvmā wa sēn segdā tvvm n kō Sonabelle (SONABELL).

Dekre-kāngā rīkrā na n sōngame ti b lebg n sigl tēn-kuremsā kūrā kūun tvvma, sēn na yilē n paas kūrā wā kēesg zeong koab zug pāng Burkīna Faso.

I.6. GALEN-TĒMS MEEB TUUMA, ZĪIS LA ZAG-GĀAS GESG YELL MINISTĒRĀ ZĪIGĒ

Tigsga-rāmb gānega **dekre** n wilg b sēn segd n zā ko-soayā b sēn maan saagā ko-zoetem yīng zīs nīns koomā sēn tar pāngā to-to, waogdg galen-tēngā pvgā.

Dekre-kāngā yaa dekre 1°2009-793/PRES/PM/MUH/MATD/MEF/MID/MAHRH/MECV b sēn dīk yvumd 2024, sūpaog kiuug rasem 19 raar sēn kēed ne ko-soayā zīsē yambg sēn segd n yī to-to, waogdg galen-tēngā pvg lebg-n-gesga.

Lebg-n-gesg-kāngā na n sōngame ti zēngr zīnd baraaaz fāa bī ko-sor tilgr zīgē.

Dekre-kāngā rīkrā na n sōngame ti b tū ko-soayā, baraaaz-rāmbā la kvl-faamsā zīs yāmbg noy wa sēn segde, la boog ko-yāmbgā zu-loees waogdg galen-tēngā puga.

II. KOE-ZĒKDSE

II.1. Tën-torã koamb wubri, buud goam kaorengo, la a piuug kũun gesg yell minisrã zëka koëeg minisr-rãmbã tigsgë n maan yvumd 2024, lekoll karen-biisã la kolëes karen-biisã bãngr magb yõgneg lebg-n-gesga (bilã).

Lekoll koambã bãngr kaset sebr (SEYEPE) baoobo, kolëes koambã bãngr kaset sebr (BEYEPESSE)baoobo, tvumd zãmsg kaset sebr (BEYEPE) baoobo, tvumd minim kaset sebr (KAPE) baoobo, kaset sebr ning sën kitud-a ti kolëes karen-big lebg Iniversite karen-biigã kaset sebr (BAKE) baoob magb tvum yu sõama reezõ-rãmb 13 puga.

SEYEPE wã bãngr magb yu sigrã kiuug rasem a 4 raar n tãag a raasem 15 daare, la koamb sën paam koab zug zeong yaa 82,16 (82,16 %), ti yvumd 2023 rëndã yaool n yu 71,24%, bũmb sën wilgd ti põe-rãmb sën ta 10,92 paasg n be.

BEYEPESSE wã bãngr magb yu sigrã kiuug rasem a 4 raar n tãag a raasem 17 daare, ti karen-biis koab zugu yu bãmb 47,19 (47,19 %) n paame, ti yvumd 2023 rëndã yaool n yu 38,27% n paame, bũmb sën wilgd ti põe-rãmb sën ta 8,92 paasg n be.

BEYEPE wã ne KAPÃ bãngr magb yu sigrã kiuug rasem a 4 raar n tãag a raasem 15 daare, ti karen-biis 100 zugu yu bãmb 68,73 (68,73%) n paame, ti yvumd 2023 rëndã yaool n yu 75,57%, rat n yeel ti boogr n be sën ta põe-rãmb a 6,84.

Bakã (bakalooriya wã) bãngr magb yu sigrã kiuug rasem 18 raar n tãag sëoog kiuug raasem a 5 daare. Karen-biis sën paam yu 52,61%, ti yvumd 2023 rëndã yaool n yu 39,27%, rat n yeel ti paas n be sën ta põe-rãmb a 13,34.

II.2. Yĩn-wisgre, kom-bub koglgo, la tvum luglg gesg yell minisrã zëka **koees a yuib (02)** minisr-rãmbã tigsgë.

Pipi koεεgã yaa sën kēed ne Nasõ zini sën yāk sēoog kiuug rasem 15 raar yuumd fãa ti na n yu ãndũni tēms kom-bub wags taab yĩn-wisgrã wεengē tigr b sën boond ti Ziyemsezi wã, la Burkĩna Faso yalsg yuumd 2024, sēoog kiuug rasem 25 raarã sën watã n na sigl a pipi rēnda.

Tig-kãngã gom-yegrã yaa « **kom-bubã segd n talla b bãng-minmã n bao tēngã bãan-gãag la a yidgri** », la b na n maan-a la Burkĩna Faso reezõ-rãmbã fãa puga. Ziyemsezi wã tigr sigl na n sunga Waogdgo.

Raarã b sën yāk ãndũni tēms kom-bub wags taab yĩn-wisgrã wεengē yĩng sën boond ti Ziyemsezi wã tulsem, yaa sën dat n tēeg ti yaa bũmb sën yaa tilae ti b kō kom-bubã tuum bãng-minim, sën na yilē ti b paam tuum sōama, tuumd luglg yam (ãntrepreneriya), la b kō-b tōog ti b welg b yelã, la b yidg b zu-loeesã tuumã paoong wεengē, sën sid yaa yel-pakre, d sã n ges zãmaanã sën tar toeoong n dēbdã.

Koεεg a yiib soabã yaa sën na n wilg neb nins sën tumd-b ne yamleog Burkina Faso wã pipi sek kasengã (FONAVE-BF) b sën maan waogdg yuumd 2024, sig-noy kiuug rasem 21 n tãag a rasem 23 daarã sën yi to-to.

Sek-kãngã tulsem yaa sën da rat ti b zind n tags zu-loees sën be yamleog tuumã maaneg kiblg la b taor kēnd pugē, sën na yilē n sōng ne d tēngã laog la a nin-buiid yidgr wεengē.

Seka tuum sōngame ti b sid bao n bãng toeoong sën ya tilae b sën saagd maaneg tuumã wεengē, la sull ning sën get-a tuum sën tar yōod ne nin-buiidã maaneg yellã-yamleog tuumã tuum-gãnegdg Burkina Faso lebg-n-siglga (Zeyipe-Peyenvebe) la bao tumtumdbã tuum-gãnegdg nao-kēndr yamleog tuumã pãng paas wεengē.

B wilga b tulsem-rãmbã. Bãmb svka kēer la sën pugdã:

- n kēes yamleog tvmã yidgrã tvm nao-kēna, a so-tũudsi, a porze-rãmb la a tvm-gãnedš buud toay-toay puga ;
- n gãneg noor sulã la nin-buiidã sēn segd n tũ yamleog tvmã maaneg weengē ;
- n dik nao-kēndr la b tũ-a n kams yamleog tumtvmdb sōor sēn ta milyō a ye, tēngã yidgr tvm buud toay-toay maanegē, ka ne yvumd 2026 teka.

III. NEB TUUM TAOOR LUUSGO

III.1. B SĒN DIK NED FĀA N LUUS TUUMD TAOORE, NED FĀA NE A TUNTUMDRE

A. PERZIDĀAS DI FASO ZĪIGĒ

- A Mise Abdu DIYAALO sĕn ya sodaas na-kaseng (ofisiye) paama tōog n lebg Nizēer Āmbasadēer, la b na n zĭnda Niyamey ;
- A NEBIYE pag a Bibata WEDRAOOGO, matrikill 130 219 D, sĕn ya Bv-kaood paama tōog n lebg Zapō Āmbasadēer, la b na n zĭnda Tokyo.

B. MINISTĒER NING SĒN GET-A GOFNEER TUUM MAANEGO, TUNTUMBA, LA TĒN-TĔRĀ NIN-BUIID VUM-N-TAAR KOGLG YELLĀ ZĪIGĒ

- A Mise Marsell WEDRAOOGO, matrikill 217 041 T, sĕn ya tũmtũmdb siglg la b zĀab wēengĕ sagend paama naam, n lebg tũntũmd yel-geta.

C. MINISTĒER SĒN GET-A KADEMSE, TUUM TĔOD PUUBO, LA YŔ-KOGLG YELLĀ ZĪIGĒ

- A Mise Wēnelebsida ZĀ-AlegsĀndr DARGA, matrikill 57 711 K, sĕn ya polus Ēnspektēer zenerall paama naam, n lebg polus nasonallĀ zu-raoog soaba.

D. MINISTĒER NING SĒN GET-A BURKĪNA NE TĒN-TAAS ZOODO, ZEMS-N-TAAR NA ZĪND TĒMSĀ NE TAAB SUKA, LA BURKĪNABĒ-RĀMB SĒN BE TĒN-ZĒMS YELLĀ ZĪIGĒ

- A Mise Erik ZŪNGRANA, matrikill 118 848 A, sĕn sagend tĕms ne taab zood wēengĕ paama naam, n lebg Burkĭna Faso Kōnsill zenerall Paari (FĀrĀas tĕnga).

E. MINISTĒER NING SĒN GET LAOG KĒGSGO, NE A TALL-N-TUM LA YIDGR SOAY BAOOB YELLĀ ZĪIGĒ

- A Mise Sũmo-Pēer BUSIM, matrikill 225 081 H, sĕn ya laog zĀab tũm kibind paama naam, n lebg laog kiblg tũm zĭigĕ ĕspektēere;

- A Mise Lugri zã **LĚĚGMA**, **matrikill 47 699 R**, sĕn ya lãmpo-rãmb tuum yel-get ěspekteer paama naam, n lebg laog kiblg tuum zĩigĕ ěspekteer

F. MINISTĚER NING SĚN GET KOOB TUUMA, GUULGO, LA KOOMĚ BŌN-VULI YELLĀ ZĪIGĚ

- A Mise Musa Pulmawĕnde **ZIDA**, **matrikill 118 318 Z**, sĕn ya tĕn-kuremsã yidgr wĕengĕ yel-get mit-kãag paama naam, n lebg Porgaraam bidzetĕer 075 taoor soaba «bão-koods zĩis manegre», n paas a sĕn ya koob la gvulg zĩis manegr ne ko-zãgsdem tuum zu-raoog soabã.
- A Mise Emilyĕ Ilris Emanwell Yiso **BAKONE**, **matrikill 288 546 C**, sĕn ya gvulg mit-kãag paam naam, n lebg Porgaraam bidzetĕer 081 « gvulg laog koglg la a kibl-n-kaosg» taoor soaba ;
- A Mise Weyidĕ Abubakaar Mahman **NACRO**, sĕn ya sodaas na-kaseng (ofisiye) paama naam, n lebg Porgaraam bidzetĕer 083 « rũms tibsg gesg yell » taoor soaba, n paas a sĕn ya rũms tibsg servus-rãmb zu-raoog soabã ;
- A Mise Abdulay **KUDUGU**, **matrikill 254 891 S**, sĕn ya baoosem la yel balb tuum sagend paam naam, n lebg beolgo, mag-n-gãnegre, pug-n-gĕsg la magb tuum taoor soaba ;
- A Mise Al Ibrahim **TRAWOORE**, **matrikill 264 114 J**, sĕn ya baoosem la yel balb tuum sagend paama naam, n lebg tuum-no-sak sĕn get-a rubã sekr yell ãndũni wã pugã, sĕn be tĕngã tuum-noor ning sĕn tumd-a rubã na sek wĕengĕ wã sekretaariya egzekitifĕ wã taoor soaba.
- A Mise Sulemaan **ZIYO**, **matrikill 293 471 T**, sĕn ya baoosem la yel balb tuum sagend paama naam, n lebg tuum-no-sak sĕn get-a zu-loees welgr la nin-buiid rulgr yellã, sĕn be tĕngã tuum-noor ning sĕn tumd-a ruba na sek wĕengĕ wã sekretaariya egzekitifĕ wã taoor soaba.

G. MINISTĚER NING SĚN GET-A BU-KAOORE, NINSAAL YĚL-SĚGDI WAOOGRE, TUUM-NOY KIBLGU, LA TŌOG TUUMD TEED GŪUB YELLĀ ZĪIGĚ

- A Mise Emil **YŪMU**, **Matrikill 279 917 M**, sēn yā kadems tuum-kibind paama naam, n lebg kibay kūun sul-kāsenga, Seyese (CSC) tuum yōgneg taoor soab sēn boond ti Sekretēer zeneralle.

H. MINISTĒER NING SĒN GET-A SOAY TUGB LA ME-BĒD TUUM YELLĀ ZĪIGĒ

- A Mise Ali **ZĪNA**, **Matrikill 32 350 N**, sēn yā kadems tuum-kibind paama naam, n lebg ministēerā ēspekteere, a bāng-minim tuum wēengē ;
- A Mise Emanwell Relwēnd **KĀGEMBĒĒGA**, **Matrikill 117 462 E**, sēn ya ēspekteer n be tēn-kurems yidgr tuum zīigē paama naam, n lebg ministēerā ēspekteere, a bāng-minim tuum wēengē ;
- A Mise Ollo **PALĒNFO**, sēn ya soda-naab paama naam, n lebg soay tugb tuum-noor sēn tar tontumdb wusg tuum yōgneg taoor soaba sēn boond ti Espe-Trimō (SP-TRHIMO)

III.2. KŌNSEY DADMINISTRASŌ TUUM ZĪISĒ TAOOR REEGRE

Ministr-dāmbā yāka neb b tigsgā pugē, n lous-b Kōnsey dadministrasō wā tuum taore :

- sānem tuum-noor sēn boond ti sosiyete Noorgold Yimiuugu Sa (NORDGOLD YIMIOUGOU SA), ministēer ning sēn get-a kuurā wā, tēn-gāongā tēngr la a zug laog yell tuum yīnga ;
- kaoreng zīig sēn boond ti Lekoll noormall siperiyeer, Eyenes (ENS), ministēer ning sēn get-a karen-bi-bēd kaorengo, baoosgo, la bāng-paal baob yellā tuum yīnga ;
- soay zut kēn teed yel-geṭb sull sēn boond ti Sebese (CBC), ministēer ning sēn get-a tārāspoore, galen-tēnsē kēna, nin-buiid vum la b laog koglg soay zut yellā tuum yīnga ..

A. MINISTÆER NING SËN GET-A KUURÄ WÄ, TËN-GÄONGÄ TËNGR LA A ZUG LAOG YELLÄ ZÏIGË

Tigsgä rämb sën zïndä, b saka noor sën yäk a Mise Kalill **KULBALI, Matrikill 222 184**, sën ya vaees la balb tuntumda, t'a reeg leta zïig n lebg tuum-kibinda, n tum ministæer ning sën get-a kuurä wä, tën-gäongä têng r la a zug laog yellä zïigë, sänem tuum-noor sën boond ti sosiyete Noorgold Yimiuugu Sa (NORDGOLD YIMIOUGOU SA) kõnsey dadminisrasõ tuum pugë, la wakat b sën yäk n kõ-a t'a na n tum a pipi tuum-vük zemsa yuum a tãab (3) teka.

B. MINISTÆER NING SËN GET-A KAREN-BI-BËD KAORENGO, BAOOSGO, LA BÄNG-PAAL BAOOB YELLÄ ZÏIGË

Tigsgä rämb saka noor sën yäk Mise Dimitri **TUUNA**, sën ya kolæes karen-saamba, n lous-a kaorengä zïigë sën boond ti Lekoll noormall siperiyeer, Eyenes (ENS) kõnsey dadminisrasõ tuum pugë, t'a reeg zämsdbä zïig n lebg tuum-kibinda, a karen-biisä taor naam rub teka (Delge zeneralle).

C. MINISTÆER NING SËN GET-A TÄRÄSPOORE, GALEN-TËNSË KËNA, NIN-BUIID VUM LA B LAOG KOGLG SOAY ZUT YELLÄ ZÏIGË

Minisr-dämbä tigsg saka **noy a yiib (2)** b sën zoe n gänege.

Pipi no-rukdgä yäka neb nins yuy sën pugdä, n kõ-b naam ti b lebg tuum-kibindb sën na n tumd soay zut kën teed yel-gebt sull sën boond ti Sebese (CBC) kõnsey dadminisrasõ wä tuum pugë, ti b pipi manda wä zems yuum a tãab (03) teka.

KADEMS TUUM-KIBINDB SËN TUMD LETA YUUR YÏNGA

Ministæer ning sën get-a lozind-dämba, leebgo, nug tuuma, änterpiriis-bäoones la sën zems-b yellä zïigë :

- A Mise Edoaar **KABOORE**, Matrikill 247 184 L, sēn ya laog koglg tuum zīgē sagenda.

Ministær ning sēn get-a laog kēgsgo, ne a tall-n-tum la yidgr soay baob yellā zīgē:

- A Mise Zors Arma Nir-Yang **MEDA**, Matrikill 49 335 Y, sēn ya ēspekteær n be doand-dāmb tuum zīgē.

KADEMS TUUM-KIBIND SĒN TUMD TĒN-TAAS TEED RA-N-WA NE TUUM-NOOR SĒN BOOND TI APĒGSĀ (APEX) YUUR YĪNGA

- A Mise Rayāgnewēnd Sūmo **ZEMOODO**, Matrikill 90 121 A, sēn ya laog kēgsg tuntumda.

KADEMS TUUM-KIBIND SĒN TUMD PETROLLĀ TUUM-NOOR SĒN BOOND TI SONABI (SONABHY) YUUR YĪNGA

- A Mise Siriyak Ogust Bernaar **YĀMBWEOOGO**, Matrikill 258, sēn ya ēnformatik zīgē tuntumda.

KADEMS TUUM-KIBIND SĒN TUMD BURKĪNA TĒNG GU-KOAASDB PA-SAK KĒGR SULL YUUR YĪNGA

- A Mise Bureema **WEDRAOOGO**, sēn ya ligd-zāada.

Dekre a yīb soabā yāka neb nins yvy sēn pugdā n lebs-b b tuum zīsē, n na n kit ti b lebg tuum-kibindb n tuum soay zut kēn teed yel-geṭb sull sēn boond ti Sebese (CBC) kōnsey dadminisrasō tuum pugē, ti b na n dik yuum a tāab (03) n tum b tuum tekem-tekem

KADEMS TUUM-KIBINDB SĒN TUMD LETA YUUR YĪNGA

Ministær ning sên get-a tãrãspoore, galen-tênsê kêna, nin-buiid vum la b laog koglg soay zut yellã zïigê :

- A Mise Zã Vigtoriyê **TOWE**, Matrikill 130 331 T, sên ya bu-kaooda, mazısra ;
- A Mise Baowëndmanegre **ZÛNGRAANA**, Matrikill 248 615 L, sên ya ênzeniyeer n be soay zut kêñ tuum pugê.

KADEMS TUUM-KIBIND SÊN TUMD BURKĪNA TĒNGĀ ĀNTERPIRIIS-RĀMB BUUD TOOR-TOOR YUUR YĪNGA

- A Mise Al Asan **SIYENU**, sên ya sosiyete-rãmb tuum yel-geta.

KADEMS TUUM-KIBIND SÊN TUMD LAMDĀ TUUM-NOOR SÊN BOOND TI SOFITĒGSĀ (SOFITEX) YUUR YĪNGA

- A Mise Lasana **KARGUUGU**, Matrikill 05 163, sên ya koob tuum zïigê ênzeniyeere.

KADEMS TUUM-KIBIND SÊN TUMD BURKĪNA FASO TĒNGĀ LOZIND LA LEEBG TUUM KIBLG SULL YUUR YĪNGA

- A Mise Mahamadi **WEDRAOOGO**, sên ya sosiyete-rãmb tuum yel-geta.

KADEMS TUUM-KIBIND SÊN TUMD BURKĪNA FASO TĒNGĀ SĀNEM TUUB ZĪIS TUUM KIBLG SULL YUUR YĪNGA

- A Mise Ditil Musa **PALENFO**, sên ya buud kaoob zïigê tuntuında.
- **KADEMS TUUM-KIBIND SÊN TUMD LOZIND-DĀMB TUUM MITB SULL YUUR YĪNGA**
- A Mise Ali **KŌMPAOORE**, Matrikill P 014, sên ya ênzeniyeer n be tēn-kirems yidgr tuum zïigê.

**KADEMS TUUM-KIBIND SĔN TUMD PETROLL TUUM MITB SULL
YUUR YĪNGA**

- A Mise Nikées **KĀMBU**, sĕn ya ānterpiriis tʊm piuugr kogenda.

**KADEMS TUUM-KIBIND SĔN TUMD BURKĪNA TĔNGĀ NUG-
TUNTUMDB LAGEM-N-TAAR SULL YUUR YĪNGA**

- A Mise Sibraoogo Pɥɛɛr **YĀMBWEOOGO**, sĕn tumd sĕeb tʊma.

**KADEMS TUUM-KIBIND SĔN TUMD BURKĪNA FASO TĔNGĀ TUM
KOOSG ROT ZĀADBA, FARMASIYĔ-RĀMB PA-SAK KĔGR SULL
YUUR YĪNGA**

- A Mise Wĕndpulemde Aymaar **TĔEDRBEOOGO**, sĕn ya farmasiyĕ.

**KADEMS TUUM-KIBIND SĔN TUMD TĔN-TAAS KOOD BIISI,
GUULGO, RI-KĀAD LĔEBDB LAGEM-N-TAAR SULL YUUR YĪNGA**

- A Mise Kassari **KONATE**, sĕn ya ānterpiriis tʊm piuugr kogenda.

Goofneer no-rĕesa

Le Porte-parole du Gouvernement,



www.sig.
gov.bf



Rimtalba Jean Emmanuel OUEDRAOGO
Officier de l'Ordre de l'Étalon

A Rĭmtallba Zā Emanwell WEDRAOOGO

B paama waoor kĭun sĕn ti yud a taab b tʊm yĭnga